

苗



謹齋詩稿

淮海 許志進

戊戌年上



元旦感興二首

五十七年開寶曆昇平自古帝王稀體元行健誠無息

去年十二月諭旨謂人君無可休息之時

大孝尊親禮不違

時大行皇太后服制未闕

半百韶華

驚歲籥九京風樹感春暉凌晨敬上無疆祝最憶朝元

向瑣闈

自笑衰遲被墨磨高齋對酒起悲歌釣鰲滄海心元壯  
捧日天門夢久譌世事浮雲從變幻青編白髮任蹉跎

時清且荷洪鈞力垂老憂危意若何

送子疇解元北上因懷及門諸子

長途仍遠駕垂老愛科名得致青雲上真憐白髮生春  
從今日暖花到上林明舊侶金門畔依依江海情

蒿亭供奉表彰梧溪遺集手著年譜因得借觀漫

題五首

霸才無主老陳琳誰識悠悠遯世心四百年來遺集少  
人間猶復有知音

淚盡西臺自宋人金源野史一遺民犁眉老鐵心期在  
未礙悲歌作隱淪

大書徵信特編年志節風規尚凜然多謝虞山標信史  
戴良丁鶴托前編

紅羊舊劫算年華浪跡江湖處士家曾酌青龍江上月

香臺海曙渺烟霞

先生舊隱吳淞江上有  
生香臺海曙岩諸勝

廿載漁洋費購求竹垞故架幾人收一瓶且致還書酒

更許何人與冥搜

新城司寇覓此集不得  
竹垞向有抄本今不存矣

讀蓆帽山人梧溪集感郝信使雁足傳書事步其

韻

霜落風高恣所如歸期回首是春初上林天子樓弓繳窮海疊臣  
有帛書此郝公放雁詩也元祖于苑中獲之遂南伐宋由是亡

繫帛書真漢使如天心亡宋誓師初拘幽漫比蘇御節  
箇是聊城矢上書

蒿亭夜話醉贈四首

幾年橐筆註蟲魚博雅高名不易居金盡且須歸季子  
賦成空道似相如夢回槐國移柯守才軋齋丘失化書  
燭跋尊傾雙耳熱憐君頭鬢向凋疎

彈鋏歌殘幸舍魚二毛落落詠閒居王裘輞口多時住

鄒馬梁園幾輩如

蒿亭與寄齋司寇唱和往來大房山莊最久而朱邨貴胄皆執弟子禮從遊

淮水釣

臺羈客舍揚州鶴背等身書武英舊侶多津要勲業青  
冥志未踈

不恨仙郎晚珮魚蘭閨靜婉喜同居遠遊詎抵還家好  
六印何當二頃如綺席並斟花下盞銀缸分校篋中書

江鄉嘯詠閒風月京洛黃塵客夢疎

剩水纔濡掉尾魚一牀圖史燕巢居酒杯詩卷朋歡洽  
古寺春花舊會如壯志彎弧當九日孤踪漫刺罷三書  
共君商訂千秋業身世茫茫醉語疎

和汜雲調友韻

齊姜宋子美河魚金屋真宜少婦居奴價未應卑百里  
琴心差得饜相如情知不妒非尤物共說猶憐待報書  
望望邗溝疑弱水半帆歸計怕全疎

疊如字韻

聞道蘭閨喻水魚鵲巢雅化許鳩居瑟瑟自和聲相協

參昂焉知命不如豈有白頭排悶調深憐錦字促歸書  
諸君枉切河東慮未必秦嘉作計疎

立春後五日雷雨雹

阿香車走天未明紛紛電雹兼雨聲披衣起坐意莫定  
心驚此日雷先鳴去年冬月大溫暖郊原無雪溪無冰  
司天燥火傷木德號令敢與東皇爭深山大澤龍起陸  
崢嶸瓜甲干時乘茫茫天意那可測羲和且御陽烏生

酬汜雲二首

○迢遞江干赤鯉魚春風楚水問幽居詩書債較當年少  
鬢髮青非舊日如十載遲歸憐後嫁千言痛哭嬾陳書

○相招且醉淮南酒梅萼橫窗影正疎

○疑誤相參正魯魚買田陽羨欲移居年增論學精神出  
耳熱談天夢嚙如草草賓筵還惜別寥寥老輩共耽書  
花間陶寫閒絲竹漏永談深興不疎

題人把卷照

○鰕生晚出多闇劣哆口輒復談詩書羸秦慘禍漏焚坑  
百氏橫譎多矯誣聖遠言湮三千年惜無藥物醫腐儒  
問君把卷意何如丘軻不作誰其徒風雅道喪日榛蕪  
心聲心畫今則無掀髯一笑聊披圖疇可語者視此夫

○觀長生殿傳奇

彩筆真傳萬古情梨園舊譜更教成劇憐半拍霓裳序  
能遣君王到錦城

節孝先生祠堂落成行釋奠禮示同志三首

趙宋右文治儒術超西京嗚呼韓孟歿斯道誰纘承絕  
學厯天心蹶生周與程蘇湖得安定教澤闡遺經先生  
紹其傳鄉校敦儀型同源別流派篤行先諸生温温飲  
以和醉心惟德馨何似洛蜀黨同異紛相爭先生與二程東坡諸君皆投契  
聖代優名賢師儒授鄉祿逮親足藜藿餬口瞻饘粥可  
憐仁孝性過石輒蒲伏禮不諱嫌名義等羊棗獨君子  
念所生異世師高躅絕踞求仕人母乃名教贖廟貌何

莊嚴衣冠同肅穆拜瞻感今昔誠正範頽俗

先生每大書一正字贈學者

淮濱釣魚人忠勇甲漢將桓桓康州公

趙質翁

大節詎相讓

亦有龔布衣

開

世變懷高尚先生負至性志行相輩行

里社祠春秋配食陸丞相緬惟曹司李

沈

鹿洞規條勗

風誼今百年道脉誰提唱雕蟲事末技根本一淪喪黠  
者飾偽學同異互譏誚或為二氏徒虛寂自相誑江河  
日滔滔願屹狂瀾障真儒敦實行整身  
流蕩矢詩激  
頑薄庶幾邀靈貺

蜀岡道中二首

隋隄新柳未藏鴉廿四橋邊水一涯鏡裏山光迷畫舫

擔頭春色問園花地當名勝偏懷古節近清明最憶家  
十頃銀塘禪智路萋萋芳草玉鈎斜  
日落青郊淡欲無輕烟漠漠上平蕪茶煎佛火泉分蜀  
城打江潮地入吳留客山禽如共語醉人春色不須酤  
平山堂畔空搔首吟望懷人興轉孤

真州道上

籃輿轉空翠雲外數峰晴村柳侵衣綠江梅刺眼明潮  
聲胥浦曲春色魏臺平頭白青山路登臨自古情

六峰道中

重岡複嶺勢縈迴烟景迷人百里來草色侵天經雨碧

梅花如雪繞城開鍊峰雲氣環仙鼎冶浦春流護將臺  
咫尺舊京三輔地憑高攬勝獨徘徊

登燕子磯步門人李質菴留題韻二首即寄懷

登臨前度記清宵滿眼山川見六朝城闕嚴關當虎豹  
園林老樹語鴟鴞龍驤浮渡空烟水燕子翩翩對寂寥  
極目虛亭春色裏梅花飛雪柳抽條

橫江積鐵倚苔磯萬頃寒濤浸翠微寺湧鮫宮穿石骨  
雲生鳥道挂山衣沙蟲城郭悲塵劫金粉樓臺映曙暉  
惆悵題詩左海客玉峰天際望鳧飛

時李之  
玉山任

清涼寺

古寺枕高岡春深花草香  
名山餘勝地智井閱興亡  
留佛蘇公蹟傳經鄭氏堂  
鄭俠讀書寺中臺城烟樹晚  
指點話蕭梁

詠清涼僧舍玉蘭花

曾否藍田茁玉芽  
蘭英春發梵王家  
樹分黃海青蓮色  
種是江郎夢筆花  
天女散來香不染  
曼陀開處豔難加  
白毫光裏清涼界  
萬朵瓊瑤絕點瑕

江臯雜詠六首

帆腹風柔五兩輕  
遶城山色隔江迎  
春遊最愛南朝寺  
布襪青鞋試淺晴

小港沙平正落潮  
半篙清淺泛塘坳  
人家愛種閒桃柳  
二月妖韶滿近郊  
不惜青鞋踐碧苔  
春懷特為好山開  
江干莫問路多遠  
只揀梅花深處來

石城橋外莫愁家  
嫩柳長條碧水涯  
艇子莫應打雨槳  
可憐人面似桃花

翠竹深松鏡裏天  
平川遙望隱村烟  
東風忽送千山雨  
消得壚頭貫酒眠

杏雨霑衣濕不妨  
歸途風送落花香  
雲巖千疊烟林晚  
一幅南宮畫稿長

江舟曉起

輕舟行百里鴉軋櫓聲和殘月穿窗見寒潮入夢多千帆移浦樹一鳥蘸晴波明鏡江天色中流發浩歌

江上書興

孤艇破晴烟東來又隔年春山青入畫江水白浮天古寺曾呼酒深村記着鞭潤州花柳色過雨正爭妍

重過嶂山王氏村居

竹樹蕭疎自一村田家舊識欵衡門八年去後人俱老二月重來花正繁儀馬半欹前代物春流全露小橋痕青青不改千峰色坐聽松濤傷石根

京口曉渡

塔鈴城柝響無休一夜東風撼戍樓潮挾鯨波吞鐵甕月明鼉窟徙瓜洲金山曉日江光赤揚子西津柳色柔版築漫勞驅石意千艘力盡大隄頭

是時江流北徙瓜洲一帶築石隄圍護

讀司馬相如傳

倜儻鄒枚侶相如故軼羣賦成逢武帝琴罷得文君傭保當墟役軒車諭蜀文未妨消渴死封禪欲何云

望黃鶴諸山追憶舊遊悵然有作

載酒尋招隱吟詩坐竹林樓開杜鵑晚秋接蔣州陰鴻鶴青峰在江湖白髮深杏花春色裏悵悵失登臨

露筋舟次

廟門新柳噪歸鴉水國陰雲接暮霞好是東風亂芳草  
只愁夜雨損梨花金蛇掣電凌空急畫鷁收帆貼岸斜  
表裏珠湖知近遠數星燈火辨漁家

韓侯釣臺

淮海無雙士風雲自一時屠兒非所伍降將亦堪師青  
史真王業春流漂母祠荒臺此終古芳草碧離離

過高郵懷千仞太史

玉鏡春帆覽社流高臺吟望倚扁舟此行不醉高沙酒  
空使孫秦笑浪遊

江上雜詩十六首錄寄玉岑

此日欲閒閒不得春風吹我涉江行青青披拂蕪城柳  
無數長條攬客情

扁舟特爲買山行曾與青山共訂盟召伯埭前春水碧  
千峰已是隔江迎

江樓面面足風烟好是真城水榭邊驢背曉風殘月外

一卮春酒酌屯田

柳耆卿墓  
在真州

三阿白馬帶清流棠邑山川記勝遊望裏靈巖春色好  
青山何處是滁州

二月春遊趁暖風不臨水畔即山中老夫舊有雲山癖

徑欲移家江水東

鍾山巖嶸冠羣峰紫翠橫江列萬重一棹春潮青鏡裏  
虛舟臥聽石城鐘

楊柳垂金罽碧流春游對此足離憂石城艇子空雙槳  
未許迎來是莫愁

風吹雲影暗江城南郭樓臺取次行指點南朝三百寺  
殘金剩粉不多情

喚取輕橈更入城秦淮新漲綠初平拖烟掠水人身柳  
舊繫河亭十日情

雲嶺松風弘景樓金陵地肺接茅州懷仙欲訪華陽館

身是前生許遠遊

自笑能偷幾日閒山靈邀我客江關萬峰深鎖松篁裏  
行過華山又攝山

青山記得寄奴家行看烟村十里花竹院逢僧清話久  
烹泉且試趙州茶

河豚上後荻芽肥櫻筍淹留客未歸潑刺鮓魚初入網  
金山呼酒看斜暉

曲岸移船風正吹維揚歸到不嫌遲衣香人影雷塘路  
恰是家家上塚時

歸舟猶自夢雲嵐白馬湖寬天水涵除却拖烟隄畔柳

更無風物似江南  
三十六湖歸路賒  
水窗吟坐似浮家  
北風不與蒲帆便  
落盡舟中無數花

補錄雜詩四首

空傳九廟麩爲牲  
學佛何曾助太平  
一稜青山同泰寺  
杏花寒食過臺城

落日憑高眺後湖  
雞籠山翠接寒蕪  
蒼涼莫問金川事  
薺麥園林暝色孤

天門雙闕隱嶙峋  
廿里春尋傍水濱  
日暮風恬瓦官閣  
未須愁殺峭帆人

辛夷文杏滿山開  
處處梅花落蕊纔  
短衞春風靈谷寺  
十年前記聽泉來

巫山詞二首和人

人謂過十二峰數之止  
得十一故詩中云然

羣峰髮鬢簇烟鬟  
都在空濛杳靄間  
竟日更番作雲雨  
一峰飛去一峰還

娟妙翻生過客疑  
臨波齊畫鏡中眉  
徘徊十一峰頭望  
雲雨仙山有合離

招隱寺用茶村韻

昔遊招隱寺更訪  
讀書臺雨色屯巖樹  
泉聲走石苔山  
川渾不改歲月記  
重來幾樹梅花在  
依依向客開

鶴林寺用茶村韻

青山行不盡古寺續前游看竹臨泉水聽鶯上佛樓松  
雲黃鶴臥春雨杜鵑愁不獨游人老山僧也白頭

竹林寺用茶村韻

髣髴竹林路芒鞋信所之山花渾欲語溪鳥似相知江  
帆去簷間出雲峰閣外欹重遊歸較晚一任暖風吹

因勝寺

古柏無情老春雲盡意生不登因勝寺爲愛繞山行日  
暖鳥俱寂花深磬一鳴經過曾幾度縹緲客心驚

舟中報家人

曉日帆檣一字斜危橋千柱過高沙平隄水暖看芳草  
入舫風輕數落花汗漫幾時勞作客分明昨夜夢還家  
呼兒多買宜城酒預約懽騰一笑譁

鐵夫示寂後來書記以所藏方乾木蓮花卷見貽  
春日披閱作詩二首

王舍因緣竟不還空聞香氣滿長安流傳喻法青蓮卷  
書記拈來一笑看

丙舍寒松記手栽

鐵夫既葬其父手植松柏千餘株

回頭不待老僧來軒轅

峰外雲如海木末芙蓉空自開

題某姬人畫鷓鴣小幅

啼多猶自想南飛  
苦竹秋花暗月輝  
錯嫁燕山胡雁壻  
山雞翟雉遠相違

舟中桃花盛開  
遙憶窗前一樹必加爛熳  
因寄

樹遙憐春色深  
瓶花知我欲歸心  
忽吟太白樓東句

更憶平陽與伯禽

太白稚女字平陽小兒名伯禽

舟中落花感興

寒食東風漫作威  
河塘草色淡春暉  
開窗几案花如雪  
落盡棠梨人未歸

上巳前一日即席送別  
滋菴和觀劇韻

此去彈琴不下堂  
空將詞賦埒班揚  
關山老作河梁別

絲竹歡同翰墨場  
振羽九臯看和鶴

仲子同北上

停鞭三日記

傳觴酒酣細聽銷魂曲  
極目春雲是朔方

迴風

驚飈連夜發  
千室燬河干  
喫酒空為爾  
哀鴻不忍看  
抱茅悲杜甫  
翼瓦紀韋丹  
莫笑焦頭客  
迴風自古難

東履上人

聞道山僧久閉關  
更無閒處却求閒  
若教提唱無錐偈

多却山僧屋半間

來詩云一僧孤坐屋三間

即事四首

擊鼓迎神一國狂  
真將此意望循良  
李尋且莫談洪範

肅又何人時雨暘

早母需時厄雨師致齋新托水仙祠五風十雨循良事  
說向村巫那得知

齋禁森嚴令甲尊魚鰕螺蛤盡知恩母將酒肉干奇禍  
市虎邀人不得言

釀具空懸敢籍糟貧廚味薄似聞韶請天已後爲霖約  
那望弘羊救旱苗

留雪師齋和團字韻示于智二僧

行廚蔬笋且同餐香積應餘冷飯團分減更教施鳥食  
饕餮也似拾僧殘久忘肉味如聞戒嬾致甘霖怕築

時祈雨  
禁宰殺

何似營齋羅伐舍試將心相詰阿難

江上友人餉鮓魚戲柬

多時只食庾郎鮓早魃侵尋是厲階一尾江魚三百里  
爲君輕破太常齋

題笑山畫扇

綠雲掩冉花如錦纔是江淹筆底開一片粉香凝咂墨  
引將蜂蝶傍枝來

贈天門二首

側目羣速謗書碧山學士且焚魚胥靡不發明王夢  
錯認商巖傳說如

完卵傾危歎覆巢青山隱處不須招回頭寄語張羅客  
已是飛鴻上次謬

題東宿照二首

花鬢柳眼欺春日記在白沙江上時獨聽鷓鴣庚踏芳草  
青鞋布襪得歸遲

松筠水石林塘好髣髴秦川華子岡二十餘年吟賞地  
君家兄弟讀書堂

贈蒿亭南發即訂移居二首

磊落英多未老身殘編甘苦證來真主持風雅盟言在  
放浪江湖歲月新隱去伯鸞無住處病餘通德有歸人

人生何地非羈旅徑合移家作比鄰

時聞少君病甚

杉皮屋子水西涯楊柳陰陰菡萏花不用避人營土室  
差堪繫艇當浮家消磨詩酒仍三徑摒擋琴書過五車  
未怕草玄成寂寞攜尊問字有侯芭

送草衣遊海曲即寄懷成明府

瑯琊青蠹

涯襟被蕭然為探奇島上仙人餘漢姓

山間風雨蝕秦碑縣齋蘿月三更酒驢背秋林一帙詩  
寄語成連烟水外此情耿耿未能移

贈淵度分運二首兼柬嘯山

鵲印龍旂世將勳翩翩裘帶性工文司勳放誕揚州夢

海岳風流漣水軍

分運隸揚州都轉而行署乃在安東

淘白賦成鹽莢利自公

詩在素絲聞行衙吏散便

平

科跣圖史娛賓到夕曛

斐几湘簾枕篔簹寒閒徵酒政整騷壇角巾留客魏公子

後閣耽吟李易安

劉夫人工詩唱和最多

蠻觸從人解蝸角杯鐺容

我饜猪肝

時家弟有虞芮之爭分運解之因有五句

裁詩愁被孫郎笑况與江東

子布看

和人

金粟香多透月輪涼生枕篔簹夜來新稽遲美睡頻思母  
觸撥閒愁易惱人蕉尾風光成淺笑桃根滋味入輕顰  
才工漱玉耽吟賞轉為桑榆愛此身

遣興二首

嘯海風為水國災如何白露更驚雷天心大是難窺測  
日日陰雲送雨來

劫運相乘水旱臻無禾未敢怨蒼旻敝廬且自安饘粥  
枵腹方多露處人

八月大風雨拔木無數壞屋舍禾稼甚廣

偕高亭雨遊三仙閣

仙居隔塵寰景色秋清謬長虹飲千尺雨細風蕭蕭迷  
離烟草長樓閣森岩堯踪跡自人世彷彿天台橋蓬瀛  
知近遠魚龍冥不驕衣履沾濕雲簷桂天香飄真仙疑  
可接黃鶴鳴相招翻訝靈境開勿乃人力勞

時新修天妃祠甚麗

寓

舍真浮生耳目屏  
誼豈必瑤水游更  
山桃徘徊  
凌烟霏如挾飛仙  
遨

雨夜懷人二首

空齋吟積雨庭樹足涼吹  
正是懷君候其如搖落時  
艸荒蛩語澁秋晚桂開遲  
爲有江南約烟波入夢思  
浪游意不洽兀兀刺船迴  
懷抱向人盡吟編共我開  
相思隔秋雨彈鋏悵歸來  
此日歌招隱悠悠醴酒杯

題寒瘦集後二首

集爲王孫岳端所撰  
王孫自號玉池生

鏤心鉢腎成寒瘦吟苦難  
招郊島魂願化雲龍韓吏部  
獨將金鑄李王孫

小兒解事昭明選白璧  
閑情抵擲輕調苦思沉千載  
士可知世有玉池生

題潘山人挾彈圖二首

柘彈銅丸放浪身果車風度  
豈安仁朶頤莫便思鴉炙  
黃雀螳螂正誤人

斷竹飛泥鬪手強弛弓反走  
笑蒙莊只愁誤殺能言鴨  
失却金丸不得償

送雪師遊彭城

風捲長河作雪濤老僧杯渡訪  
林臯雲山隨地安瓶鉢  
龜兔何心問角毛自把松枝酬  
法喜好收偈前入詩瓢

彭門到日應相憶放鶴亭空海月高

孤松短歌

予得黃山松十有六株其十五株皆以旱死獨一樹菁葱不改其舊傷其所遇非時如君子之難獨立也歌以寄

興  
焉

玄虬十六雲海姿風鬟霧鬢何紛披天慳不肯作霖雨  
中庭立槁空之而就中獨有蒼髯叟青青五尺枝蚴蟉  
臃腫不隨神物化離奇欲挾風霆走昊天降割方蘊隆  
祀百端終夢夢鴟鳩聲中衆芳殞異時子立傷孤踪  
御李送芍藥奉答兼柬爽林風衣四首  
霞綺紛披芍藥天東臯幾度集羣賢分來得向齋頭看  
不到名園忽五年

豐宜門外草橋遊百頃花光汗漫收數朶妖韶轉相惜  
玉瓶新水抵遨頭

風光寂寞閒亭館分得名香向客誇却笑文昌周必大  
丁香橄欖乞殘花

一朶新花賦一章晴窗筆墨總生香何人拚得三千首  
更向名園醉幾場

久旱得雨感興作

咎徵枉是說恒暘氣挾風雷雨意長且慰禱求安土木  
敢因焚灼怨穹蒼催科急不妨功令齋禁嚴真悔太常  
穀價自平休閉糴多時農末兩相妨

五月初四日大雨志喜

百端零祀終仍早一夕為霖倏已成高閣夜占離畢象  
虛堂響徹瀉簷聲預愁陰過梅黃候轉覺寒因麥秀生  
明日淋浪如不止龍舟野渡定虛橫

和友人二首

把酒難為醉匆匆問客程雲山親舍遠祿仕宦情輕海  
月流清照江濤寫恨聲平生知己在心跡故能明  
鄉邑兒呼蔡賓筵醉侮程宦途原自陋俗客莫相輕治  
譜看賢子山城有令聲遙憐二江水到底是空明

贈朱夔聲秀才步題畫韻

舊遊希晨星追憶何歷歷荔本金閨彥今兄太史為余同譜才器埒

蘇白玄珠淪赤水連城餘趙璧長風萬斛船湍瀨那可

刺出門不諧俗坐笑圭竇塞萱堂愉菽水殘書充立壁

緬子飢渴懷歲月十年積青雲契小阮公子投合曾莫

逆載賡冰雪句寒氣淨虛碧君才未可量何人操玉尺

閒齋書興

虛堂把卷即墻東鍵戶聊稱避俗翁老驥歌殘悲伏櫪  
壯夫才薄愛雕蟲病親藥裹疎人事閒對花枝歎化工  
最是一瓴澆午枕蕭蕭新竹響簷風

錦臣舍人書寄鄭茶念其淹留冷官頻煩注念賦

此奉懷

鄉園萬里道途賒憶我頻勞饋鄭茶豈借木蘭成質製  
每從瑞露吸清華行厨舊為雙瓶賦坐賜曾同八餅誇  
雞肋淹留人欲老幾時銀合拜 君嘉

宋制將召兩府到  
關先賜銀合樂茶

楊吳王行密墓用雲揚明府韻

鐵騎銷沉剩古丘楊王事業水東流不穿錢眼收吳越  
却賜彭奴帝蔣州草暗孤城遺鏃盡名高十國斷碑留  
紛紛雲擾殘唐劫保據江淮四十秋

題鍾馗撫琴圖

碧梧不動山月明蝙蝠飛飛夜氣清磐陀怪石對烟水

宮商盈耳彈正聲膨脝困蠢于思翁衣冠肅穆怒氣平  
七條絃絙三尺桐十指如椎努兩睛此時官止神遊行  
移宮換羽聲泠泠咫尺還愁風雨驚蕭騷殺氣橫幽并  
是翁忠直貌猙獰剛腸鐵骨同錚錚絹墨黯淡行筆精  
誰其畫者神所憑瞋目無語髮鬅鬢妖狐潛匿逃山精  
髯兮髯兮當移情

金陵詠史八首

割據荆襄鼎足成鍾山王氣古今橫曹瞞不拔濡須塢  
王濬終臨建業城雲雨蛟龍悲白帝馬牛爾汝笑烏程  
生兒豔說孫征鹵此座何當久待卿

鐵鎖橫江一炬鎔北軍飛渡到江東豈知京洛銅駝恨  
只與新亭涕淚同朱雀航焚遺燼滅烏衣燕去舊巢空  
揮杯且勸長星酒誰向中原策戰功

織履樵薪自寄奴布衣京口奮鴻模五陵汎掃能亡晉  
萬里長城不拒湖射的未穿常侍腹瀕宮曾獻集書圖  
石城前事悲司馬更念劉郎舅氏無

七帝纔餘二十年蘭陵家世亦虛傳新亭戰艦殲休範  
名士中書痛褚淵世上可能金似土宮中惟是步生蓮  
荆襄控帶歸蕭衍誰謂東昏制事先

漢沔瀟湘席捲東侍中三十舊稱雄臺城病渴醇醪盡

淮堰奔流戶口空幾度捨身依佛寺空聞叛將懾蕭公  
江陵北面還臣僕何似巴陵置寶融

鐵騎迴戈襲石頭長江天塹迴無憂臨春閣閉詞臣醉  
玉樹歌殘山鳥愁棋局五朝同浩劫酒人三品任優游  
江東故國生春草月擁寒潮咽不流

天險雄封宋外臣釣船兒戲濟曹彬洪州北望歸心切  
江水東流淚眼新廝養孤兒冒仙李後庭遺事繼亡陳  
秦淮花月汴京土止有張徐是舊人

采石初開奠九畿真人泗水應龍飛風雲氣映鍾山紫  
日月明生帝座輝宮闕陪京尊祖德園陵異代凜天威

五王四鎮空塵土一片江光冷翠微

大駕南巡必謁孝陵是以有第六句

和田居夫子亭悼阮亭先生二首

東山雲水自清泠載酒還思叩古亭一曲絲桐奏流水  
知音無復子期聽

海山兜率隔齊烟天上人間又幾年惟有敬之詩老在  
遺山衣鉢幾人傳

用田居侍御韻寄題查田太史行藥圖因寄懷錢

塘少宰

千霄豫章木藤蘿自纏扳礫砢歲寒松澗壑養堅頑先  
生金閨彥結念依空山分畦蒔花藥五色何編爛根葉

滋風露元氣含朱殷服食葆其真益筭迴天慳身形似  
鶴形彷彿圖畫間乃知稱大隱不必遠塵寰何時三三  
徑一叩松筠關大藥分內芝變此冰玉顏同調二三子  
磐澗勤追攀寄聲曳履人脫屣何當還

留宿槎客新齋因東田居侍御漢源助教田叔司

馬軒成明府

風清高館夜披襟燭跋談深暑不侵絲竹流連三宿意  
友朋出處一生心香生活玉縈幽夢詩得聯珠快賞音  
十日肯辭河朔飲朝來羣屐重追尋

槎客以瓔珞松黃楊樹見餉賦此奉答

鐵幹蒼髯蔚綠陰黃楊枝葉對蕭森先生自厄今年閏  
是年閏八月交道同貞歲宴心青翠幽姿恒不改蘊隆炎暑莫  
相侵角弓拜賜緣嘉樹封殖猶堪嗣德音

六月十五夜夢侍先君子教戒如平日醒而流涕

晨起敬書

皤然老矣歎無成夢侍嚴親教誠明忽憶繡衣承杖事

十年空軫夜臺情

昔年奉使過里門偶拂意跪而予杖共懇祈乃得免蓋先人之嚴如此

贈別田居侍御因懷豈績太史畱農部曹

老瘡烟霞癖貧輕汗漫游肯乘尊酒興稍為故人留  
袁浦孤舟雨西湖七月秋兩峰三竺路杖屨共悠悠

和軒成令君移居韻二首因東漢源助教

儻得茅堂一水涵開軒留我共清談河聲聽徹宜長夏  
家具移來未兩擔屋角籬花引風月畫中山雨借烟嵐  
逍遙正自無拘束文酒清娛亦可耽

一飯相邀未損廉珍魚大是勝齏鹽詩逢舊侶雲龍合

時田居在座

吏署閒員仕隱兼剖得甘瓜消夏熱訂來秋蟹擘

霜鉗比鄰恰有長梧老晨夕過從兩未厭

題李龍眠霍光取璽圖

圖為武陵楊氏家藏

武皇空老不得仙建章桐人驚晝眠戾園已矣平陵少  
周公負展久且專兩君廢置一翻手芒刺在背心凜然

光也豈復人臣禮身為莽卓開其先畫圖彷彿寫遺照  
未央武帳森戈鋌殿前犀炬光燭天一人按劍攘臂前  
廷臣劔戟互撐拄得非安世杜延年目瞋髮突氣如虎  
將軍威力誰能悛符璽既收昌邑死至尊嚴憚將軍權  
豈知故劔兆醫衍藁街種族相株連龍眠作圖戒萬世  
廢立炯鑒觀昭宣將軍自許伊周烈借問何如李泌賢  
即少示玉岑

碧天新月影如鈎蟋蟀初鳴暑未收羽扇招涼花徑晚  
高桐落葉已知秋

題馮媛當熊圖

翊衛森沉拱帝居誰令猛獸犯乘輿婕妤且是當熊立  
可得明庭有諫書

題山簡醉歸圖

馬上迴鞭倒接離酒泉封在習家池襄陽好得煩山簡  
笑殺攔街拍手兒

題王猛捫虱圖

長揖桓溫灞水濱高談捫虱更無人霸王雄略嗟王猛  
不帝江東却帝秦

題李靖謁太宗圖

六合風雲自一時太原公子負奇姿人生遇合曾如此

應識當年李藥師

題玉環剪髮圖

寵色都教冠六宮香雲一縷曉梳風馬嵬山外棠梨路  
滿眼烟鬟是蜀中

題明妃出塞圖

馬上西風捲白沙空留哀怨寫琵琶紅妝大是和戎策  
多少關氏出漢家

題煬帝覽鏡圖

幾回行樂向揚州一笑渾輕鏡裏頭剩有雷塘一丘土  
更無遺制畫迷樓

題閨秀仇氏十六羅漢圖

初果何當證應真畫圖還現女兒身不知色相全消否  
十六莊嚴對麗人

晚晴作

一夜淋浪雨朝來暑氣清籬花半開落雲日弄陰晴望  
歲愁靈滅題詩秋月明濕螢修竹裏促織自長鳴

擬古四首題涉江採芙蓉卷

芙蓉絕世姿濯濯半江水不採自芳菲昨夜秋風起  
郎乘木蘭舟儂鼓沙棠柁去去江水寬花葉自容裔  
芙蓉映朝日風露涉江晴羨殺鴛鴦鳥花間過一生

採花插儂髻採葉製郎衣江水足風濤與郎打槳歸

依韻奉答朱助教漢源

漁洋論詩入三昧小乘自昔卑聲聞笙鏞振響齊英咸  
羣言細碎如蠅蚊及門同調二三子先生最數工為文  
新詩下筆追庾鮑力學尚友方淵雲轉燭流光三十年  
師友大半歸秋墳先生頭白走萬里江山靈秀揚清芬  
而我屏居甘蠖屈雞豚蜡臘依榆枌表浦相逢共杯酒  
問年感歎兼悲欣開緘示我千首詩名章麗句何紛紛  
竭來此道榛蕪久源流派別絲而棼韓蘇家法謬相推  
盤空掉險驚所云田居詩城拔千仞時龔侍御在座偏師秦系懸

孤軍長水德清矜品題

朱竹垞彝尊胡拙明渭

月旦舊許凌高愛我

詩不成宦未達十年硯筆方當焚唾壺敲缺同高歌東  
隅已失悲西曛千秋偉業重相許疲農未敢嬉犁耘挽  
回氣運在人事半生大拙補以勤不然掉頭巖壑老空  
山猿鶴同其羣弘獎風流今水鏡為我一運郢人斤驪  
珠三百看唾手光燄朗燭湖淮瀆

豆腐有序

往在京師與姜西溟供奉惠元龍太史唐實君禮部作豆腐詩屬而和者數十餘家今二十五年矣家居食貧此為常供追憶舊友兼感生計復有此咏

雅與腐儒宜平居稱朶頤加餐成大嚼高會失前期真

味調仙鼎飢人當肉糜東疇吾種豆一半落爲箕

醃菜 有序

憶甲戌在京邸陳丙齋學士作醃菜詩元龍邀余同作余爲之序引山谷無令天下有此色無令士大夫不知此味語丙齋稱歎知言頃因追詠菽乳念惟醃菹可與之敵復作是詩

肥脆京華種醃藏爭及時價因霜雪貴味許士夫知食料黃虀甕園官菜把詩數弓秋事晚風露亦相滋

題桐陰課子圖三首

曾記君家嚴訓過庭此日稱翁一樹三更秋月冰牀雪被家風

老鶴鳴陰子和碧梧彩鳳長飢我笑東坡居士生兒却

願愚

願愛傳經子政青藜太乙分紅不比陳咸教諂夜深頭觸屏風

大風雨行

君不見昨宵驟雨雷破屋颶風拔盡淮南木大田多稼付波臣嗷嗷鬼哭秋水濱雨師旱魃互爲虐秦山崩隕河水涸風雨漂搖且勿歎掣衣但看催租瘢

靈澤夫人廟

碧瓦瑤階野殿孤明珠步障冷烟蕪杜鵑啼徹魂依蜀江水東歸恨入吳玉座雲旗森劔戟風松沙鳥奏笙竽

靈祠占斷中流石錯認蟻磯是望夫

曲江樓訪高亭供奉喜晤朱艸衣茶話漫作

碧檻迴廊復此游水天烟景入高樓主人再易園亭改

文酒清娛歲月適樓為張太史讀書故地庚午之夏曾與論文雲掠畫簷初過雨

風鳴老樹恰宜秋一瓩茶事論風雅且為新知竟日留

悼金秀才壁秀才絕筆詩有云同是遠遊客還家有先後

達士舊忘機依人志久違可憐為客死直作遠遊歸孤

夢秋尊冷青蠅弔客希相知吾恨晚吟望一長諤

秋日聽鑰堂文謙各賦二首

虛堂文酒足娛賓嘯傲渾宜我輩人交是素心貧不改

詩從妙悟說來真江淮湧水風災烈秦隴移山地陷新

塊磊澆平都弗管滿庭秋色月如銀

七何日飲自吾師為畔牢愁向酒卮幾樹桂花經雨放

十分明月與秋期談深自酌何須勸興劇空杯亦自持

更約攜尊成夜話水天高閣共尋詩

萬一

搖蕩樞星缺地維金城玉壘變堪悲兵塵吐谷秦封敝

山壓朱圉禹蹟虧萬井沙蟲悲浩劫九霄 綸綍軫傷

夷輪臺轉餉兼冰雪萬一天心悔禍時

中秋對月有懷

明月滿樓臺清輝入酒杯兩纔侵曉霽花似去年開孤  
館夜初冷美人期未來凭高吹玉笛吟望獨徘徊

月食歌 有序

玉川子月食詩近怪昌黎竄易其語遂爲昌黎月食詩節孝先  
生效之又近於俳通乎諷諭之旨故不妨在怪與俳之間乃仿其意  
作月食  
歌云

秋天過雨殘暑清高樓倒景開晚晴客言今夜好明月  
有物食之虧其盈金盤爛爛出海底青空一洗寒晶瑩  
螺紋可辨眉可數桂花玉兔斜蹲撐山河大地同一照  
疎星幾點銀河傾如何玉輪旁黑青一抹相纏縈皇天  
萬古此老眼未應蒙翳攀其睛客言天河邊有此蝦蟆

精抓沙涉水脚手利得天愛寵跳浪橫天庭忌天有此  
兩老眼常年攫食如蠅營食日以晝月以夜循環吞嚼  
爲踐更年年掠食天不知蹒跚癡腹脹彭亨前者帝天  
大震怒赫然撲捉召六丁剪除不即加斤斧頑軀竟得  
逃常刑坐使倒執太阿柄蒼昊曠曠誰與爭客言未已  
月食既但覺紫垣黯黯森羣星勾陳後宮芒角生斗杓  
橫掠天牀平樞輔台衡坐失次欖槍熒惑摩霄崢何物  
妖蟆乃致此天公得毋心目盲主人笑容愚此語不足  
稱月食豈必關災異維常之言載於經乾象有交道行  
處薄蝕呈交初交中本恒度食半食既無遁形一歲再

食三食或五食

事見宋書

星官曆翁推測殊無憑邇來西學

精纂驗百八十日信有徵

是年二月十六夜月食今乃再食

社牲朝鼓古多

事况繙天官洪範論五行書生哆口說天變豈知比來天意方夢夢可笑人間玉川子區區蟣虱涕淚并

澄溪觀察七十寄書索詩因懷訪濂子敬俠君諸

先生二首

籌邊上策奠秦封節使威名震大東 帝謂毀家尊卜

式天將榮養報蕭嵩胥江更作者耆英社國老同稱百歲

翁蠹蠹莫釐秋色晚洞庭烟月冷丹楓

卅年京洛同高會長憶君家舊弟兄一往青山餘歲月

幾人白髮論功名藏書洞壑探林屋導氣神方乞老彭  
遙羨葑溪傳盛事屏風圖畫領羣英

存齋印譜歌因東長梧同作

倉籀字體餘刻符禹碑周鼓同模糊嶧山秦篆不可撫  
流傳漢印兼白朱容易三錢買出土羊頭竈養看紛拏  
後人摹刻作私印筆畫雖具精神疎譌舛豕三與亥五  
臯羊伏犬偏旁殊可憐庸工不識字千年衣鉢皆其徒  
存齋作譜夫何如心聲心畫求古書刀法不必名二體  
從心師古兩有餘纍纍方圓數百種石林寶氣明珊瑚  
子行松雪今則無品題俗吻堪揶揄為生作歌寄長梧

請得出手為韻語挽回此藝如西都

月夜八寶舟中

烟水木蘭舟中流發棹謳柳疎黃浦月稻熟白田秋夜  
靜聞鴻雁窗虛見斗牛清言同不寐茶竈響颼颼

高沙舟中懷千仞太史止堂明經時蒼岩太僕已歿樓村  
殿撰以是月卒於八寶

鷗鷺動漣漪推篷入森瀾珠明甃社月蚊響鹿筋祠浪  
偃魚龍睡秋深草木知文游臺上酒存歿故人思

召伯埭

河水到江澄潮痕帶淺滕市樓喧賈舶村柳聚漁罾黃  
擘團臍蟹青分謝口菱魚鹽兼貨殖生計亦能勝

閏八月十三夜廣陵舟中玩月東高亭

水落暮潮平維舟傷古城秋餘十日閏月又二分明旅  
夢違孤枕風燈錯戍鉦無枝感烏鵲高亭方  
欲移家一雁自南征

十四夜偕高亭玩月別後却寄

借得廣陵月清宵一醉君水天明白髮身世感秋雲塊  
磊澆難下萍蓬跡易分朝來空極目烟草碧江濱

別後再占

水天秋月淨無雲此夜誰言少一分來夕白沙江上望  
山川如畫不同君

法中丞巡海事竣入覲四首

浪捲扶胥海日昏驚飈浩蕩水烟痕九州坐盡寰瀛勢  
萬里風清眩鬼魂珠斗夜瞻天北極扶桑朝擁國東門  
霓旌此去趨京輦南顧宵衣慰至尊  
閩粵銷烽久息戈中丞巡歷意如何綢繆陰雨桑田在  
整暇貔貅戰艦多大鳥搏風經月息長魚跋浪冠山峩  
乘槎八月稱奇事海若天吳靜不波

狎鷺盟鷗已息機釣鰲投轄意多違漁艖鼓柁江頭住  
畫鷁飛檣海道歸奇觀直須窮島嶼殊恩恰許奏綸扉  
時清溟渤為家日應笑傳烽置戍非

禹貢梯航卉服通島彝玉帛盡來同烟霏九點山河外  
日月雙丸天地東玉帳旌麾開瘴霧青雲律呂應皇  
風書生壯氣知多少自許澄清江海功

十五夜發揚子橋

江潮初上水雲生揚子橋邊載月行惆悵朦朧今夕影  
夜來偏為一人明



